

醫經津渡卷三

繇上于茲氏范在文輯著

人生天地之中稟賦不同強弱各異七情六慾爲所
困者天胸有主者壽卽有操持天時寒暖不均地氣
燥濕迥殊北方多風南方多雨西方多砂東方多滷
風多土必燥雨多土必濕砂多土必舒滷多土必滯
燥土之人仁濕土之人智舒土之人義滯土之人勇
天時異地氣異人情亦異生物亦然而藥物爲尤甚
物固當格藥物尤不可不講同一藥也何以有地道



嘉慶戊寅春鑄

綿上范于茲著

醫酉經津渡

安懷堂藏板



醫經津渡卷三

繇上于茲氏范在文輯著

人生天地之中稟賦不同強弱各異七情六慾爲所
困者天胸有主者壽卽有操持天時寒暖不均地氣
燥濕迥殊北方多風南方多雨西方多砂東方多滷
風多土必燥雨多土必濕砂多土必舒滷多土必滯
燥土之人仁濕土之人智舒土之人義滯土之人勇
天時異地氣異人情亦異生物亦然而藥物爲尤甚
物固當格藥物尤不可不講同一藥也何以有地道



之名如五味子產於北者五味足能助五臟真氣產於南者酸味多直斂肝經邪鬱南石膏性寒能却胃家之火北石膏性溫反助脾竅之熱甘枸杞多子而甘功能補腎東北南味淡而子稀毫無所益東查肉厚核小消積最宜西北南皮薄核大守而不走由此類推不一而足善學者觸類旁通可無餘蘊故此卷特於天時地理人事分晰言之



五運化生

書洪範曰雨曰暘曰燠曰寒曰風雨木氣也暘
金氣也燠火氣也寒水氣也風土氣也史記五
帝紀炎帝修德振兵治五氣注五方之氣也素
問寒熱風燥濕五氣之聚也寒生水熱生火風
生木燥生金濕生土周子曰五氣順布四時行
焉蓋主木火土金水分別屬四時而言夫五氣之
說雖有不同要各具義理洪範以天言也史記
以地言也素問以人言也周子以時言也皆所



以發明五行之運也其在天干甲乙木丙丁火
戊己土庚辛金壬癸水此五行之正氣也其在
地支亥子水寅卯木申酉金巳午火辰戌丑未
土此五行之正氣也甲己化土乙庚化金丙辛
化水丁壬化木戊癸化火此五行化生之氣也
甲生於亥乙生於午丙戌生於寅丁己生於酉
庚生於巳辛生於子壬生於申癸生於卯此五
行寄生之氣也其曰五運者何也蓋五運之說
本於五合五合之說本於河圖五合者卽五位



相得各有合之數也一爲甲六爲己河圖一與
六合故甲與己合二爲乙七爲庚河圖二與七
合故乙與庚合三爲丙八爲辛河圖三與八合
故丙與辛合四爲丁九爲壬河圖四與九合故
丁與壬合五爲戊十爲癸河圖五與十合故戊
與癸合其曰化土化金化水化木化火者何也
岐伯云始於戊己之分所謂戊己者奎壁角軫
之次天地之門戶天門在戌亥之間地戶在辰
巳之間也其法以甲己歲起丙寅乙庚歲起戊

醫經津流 卷三
寅丙辛歲起庚寅丁壬歲起壬寅戊癸歲起甲
寅爲正月至辰巳月乃得所化之土金水木火
語云逢龍則變言辰巳月爲化生之候也

甲己土運

甲己之歲戊己齡黃之氣經於角軫其歲得戊
辰己巳月干皆土故爲土運人當是歲脾土強
盛肺金次焉心肝微弱腎氣受尅而衰宜以補
腎助肝養心爲主也

乙庚金運



乙庚之歲庚辛素天之氣經於角軫其歲得庚
辰辛巳月干皆金故爲金運人當是歲肺金強
盛腎水次焉脾心微弱肝氣受尅而衰宜以補
肝益心健脾爲主也

丙辛水運

丙辛之歲壬癸元天之氣經於角軫其歲得壬
辰癸巳月干皆水故爲水運人當是歲腎水強
盛肝木次焉肺脾微弱心氣受尅而衰宜以補
心養脾助肺爲主也

丁壬木運

丁壬之歲甲乙蒼天之氣經於角軫其歲得甲

辰乙巳月干皆木故為木運人當是歲肝木強

盛心火次焉腎肺微弱脾氣受尅而衰宜以補

脾養肺益腎為主也

戊癸火運

戊癸之歲丙丁丹天之氣經於角軫其歲得丙

辰丁巳月干皆火故為火運人當是歲心火強

盛脾土次焉肝腎微弱肺氣受尅而衰宜以補



肺養腎和肝爲主也

六氣升降

六氣之說有三左傳六氣陰陽風雨晦明也莊
子乘天地之正而御六氣之辨注平旦爲朝霞
日中爲正陽日入爲飛泉夜半爲沆瀣合天元
地黃爲六氣素問六氣者曰少陽三焦火曰少
陰君火曰太陰濕土曰陽明燥金曰太陽膀胱
水曰厥陰肝木左傳以四時言也莊子以一日
言也素問以一身言也莊子之說流入道家服

氣之法惟素問以一身六氣合歲合地支六合之氣又合四時六節之氣以分升降始終叅之五運四變則化機可推人事可輔孫思邈所謂天有可振之災人有可愈之疾也

子午年少陰君火司天

內經子午年少陰君火司天歲氣火熱化之候蓋君火手少陰心經心者君主之官主宰陽氣之本發生萬物之源象丙丁火故曰火熱化之候也其曰少陰司子午者何也少陰爲君火南

離爲尊位故正化於午對化於子也

丑未年太陰濕土司天

內經丑未年太陰濕土司天歲氣水濕化之候
蓋濕土者足太陰脾經中央戊己土寄旺四季
各十八日土尅水而後生物故曰水濕化之候
也其曰太陰司丑未者何也太陰屬土居中而
寄旺於坤未坤同宮故正化於未對化於丑也
寅申年少陽相火司天

內經寅申年少陽相火司天歲氣火化之候蓋

相火者三焦浮游之火炎上尅肺金則腎水失
母相火象丁故曰火化之候也其曰少陽司寅
申者何也少陽相火位卑於君火生於寅故正
化於寅對化於申也

卯酉年陽明燥金司天

內經卯酉年陽明燥金司天歲氣燥化之候蓋
陽明者肺與大腸之氣象庚辛金金性燥故曰
燥化之候也其曰陽明司卯酉者何也陽明屬
金酉爲金正位故正化於酉對化於卯也



辰戌年太陽寒水司天

內經辰戌年太陽寒水司天歲氣寒化之候蓋
寒水者足膀胱經與足少陰腎經合爲表裏屬
北方壬癸水故曰寒化之候也其曰太陽司辰
戌者何也太陽爲水君火居子故避之而居辰
辰爲水庫故正化於辰對化於戌也

巳亥年厥陰風木司天

內經巳亥年厥陰風木司天歲氣風化之候厥
陰風木爲萬年不易之氣名曰主氣其他輪運

皆客氣也蓋厥陰風木者足厥陰肝經象甲乙
春旺七十二日厥陰主氣故曰風化之候也其
曰厥陰司巳亥者何也厥陰爲木木長生在亥
故正化於亥對化於巳也

初氣

自丑至卯始大寒終春分厥陰風木主之岐伯
云厥陰風木司令則少陽相火在泉

二氣

自卯至巳始春分終小滿少陰君火主之岐伯



曰少陰君火司令則陽明燥金在泉

三氣

自巳至未始小滿終大暑少陽相火主之岐伯

曰少陽相火司令則厥陰風木在泉

四氣

自未至酉始大暑終秋分太陰濕土主之岐伯

曰太陰濕土司令則太陽寒水在泉

五氣

自酉至亥始秋分終小雪陽明燥金主之岐伯

